


# Bibël për fëmijët paraqet

## Jezusi Ushqen 5000 Burra



Shkruar nga: Edward Hughes  
Ilustruar nga: Janie Forest  
Adaptuar nga: Ruth Klassen  
Përkthyer nga: Arianit & Valbona Iljazi  
Alastair paterson  
Prodhuar nga: Bible for Children  
[www.M1914.org](http://www.M1914.org)

BFC  
PO Box 3  
Winnipeg, MB R3C 2G1  
Canada

©2020 Bible for Children, Inc.

E drejta e kopjimit: Mund të bëni kopje ose ta shtypni këtë histori,  
nëse nuk do ta shitni.

1

Shumë drejtues fetarë (të quajtur Farisenj)  
tregonin gënjeshtër rreth Jezusit. Disa madje u  
përpoqën edhe ta  
vrasin  
Atë.



2

Ata nuk besonin që Ai ishte me të vërtetë Biri i Perëndisë. Ata nuk e pranuan Atë edhe pse Ai bëri mrekulli që provonin se Ai është Biri i Perëndisë.



3

Një ditë, Jezusi kaloi në anën tjetër të Detit të Galileesë. Mbase Ai donte pak pushim nga turmat që mbledheshin rreth tij. Por, turmat shpejt e gjetën Atë. Ata e dinin që Jezusi bënte mrekulli të mëdha. Ata donin të ishin me Të.




4

Jezusi i drejtoi dishepujt e tij tek një pjesë e shkretëtë e malit ku Ai u ul, duke i mësuar ata. Gjithmonë e më shumë njerëz vazhduan të vijnë. Shpejt erdhi koha e darkës. Çdokush duhet të ndihej i uritur.




5

Jezusi pa nga turma. "Ku duhet të blejmë bukë që të gjithë këta të hanë" pyeti Filipi. Nuk kishte shitore ushqimesh aty afër. Çfarë kishte në plan të bënte Jezusi?




6

"Do të kushtonte një thes me para të ushqesh gjithë këtë turmë", iu përgjigj Filipi, Jezusit. Jezusi dhe dishepujt e Tij, nuk kishin shumë para.




7

Një dishepull tjetër, Andrea (vëllai i Simon Pjetrit) i tha Jezusit: "Është një çun i vogël këtu, që ka pesë bukë dhe dy peshq të vegjël..."



8

"...po çfarë janë këto për kaq shumë njerëz"?  
Andrea nuk e kishte idenë se si vakti i një çuni të vogël mund të ushqente aq shumë njerëz - edhe sikur çuni i vogël të ishte i gatshëm t'ia jepte ushqimin e tij Jezusit.



9

Jezusi tha, "Bëni që njerëzit të ulen". Kështu që njerëzit u ulën, dhe ishin rreth pesë mijë burra. Uau! PESËMIJË! Kjo nuk përfshinte madje as gratë dhe fëmijët që ishin atje gjithashtu.




10

Pas kësaj Jezusi mori pesë bukët dhe dy peshqit. Çuni i vogël dukej se i besonte Jezusit. Ai nuk e dinte përse Jezusi e donte ushqimin e tij, ose çfarë do të bënte Jezusi me atë ushqim. Ai mbase mendonte, "Nëse unë ia jap ushqimin tim, unë nuk do kem ç'të ha". Por, ai gjithsesi ia dha ushqimin Jezusit.



11

Pastaj, Jezusi u lut. Ai falenderoi Perëndinë. Për pesë bukët dhe dy peshqit? Po! Jezusi i tha "Faleminderit" Atit Perëndi dhe i kërkoi Atij të bekonte ushqimin.




12

Pasi u lut, Jezusi theu bukën dhe ndau peshqit duke ia dhënë dishepujve të cilët ua jepnin turmës së madhe. Atëherë njerëzit panë mrekullinë që Jezusi bëri. Të gjithë hëngrën sa deshën. Megjithatë bukët dhe peshqit tepruan.




13

Pasi çdokush u ngop, kishte ende shumë bukë dhe peshq që kishin mbetur. "Mblidhni copat e mbetura që asgjë të mos shkojë dëm", u tha Jezusi dishepujve. Ata mbushën dymbëdhjetë kosha nga ushqimi që teproi.



14

Atë ditë, Jezusi ushqeu mbi 5000 njerëz, me ushqimin e një çuni të vogël. Një herë tjetër Ai ushqeu mbi 4000 njerëz me shtatë bukë dhe disa peshq.



15

Kur njerëzit e thjeshtë i panë të gjitha këto shenja, ata nuk ishin të zemëruar si Farisenjtë. Përkundrazi ata thanë. "Ky është me të vërtetë Profeti që duhet të vinte në botë". Ata e dinin që Jezusi ishte Shpëtimtari, ardhja e të Cilit ishte premtuar në Fjalën e Shenjtë të Perëndisë.



16

### Jezusi Ushqen 5000 Burra

Një tregim nga Fjala e Perëndisë, Bibla  
e marrë nga  
Gjonit 6

"Zbulimi i fjalëve të tua ndriçon dhe u jep mendje njerëzve të thjeshtë."  
Psalmet 119:130

17

Fund

51

60

18

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkatet. Dënimi për mëkatet është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

19